

DE SIXTO V.
PONT. MAX.
CLASSEM PARANTE.


ANTONII QVAERENGI
CARMEN.

IOSEPHI CASTALIONIS.

*Hactenus edomitumque nefas, moresque reductos
Pacis, & Ausonias diuinis legibus oras
Compositas, variisque ornatae molibus urbem
Aoni cecinere viri, tua maxima facta
SIXTE salus Latij. nunc horrida pectore bella,
Atque triumphato Capitolia lata Tyranno
Concipiunt, Solyms post secula longa receptis.
Maius opus tecum felici tempora lauro
Adgreditur cingēs QVÆRENGVS, & æquora classe
Strata canit, lectosque duces, & robora pubis
Romulee, tua consilia, & tua capta secunda.
Magne Pater, spondent si quid præsagia vatum
Plurima, res Asia euertes, maria omnia pandes
Victor, & imperio Byzantiam æmania flectes.*



DE SIXTO V. PONT. MAX.
CLASSEM PARANTE.



ANTONII QVAERENGI
C A R M E N.



Viderat antiqua Tiberis Mauortis in
vrbe
Roboribus validam textis, atque
are rigenti

Insignem vasta properari mole triremem.

Viderat, & tanti mirans incæpta laboris

Ardua, terrarum dominam, cælique potentem

Sic placide affatur compresso flumine Romam.

Nulla ne te fessam domitrix ò maxima rerum

Dulcia sepositis mulcebunt otia curis?

Nulla dabunt tui exigua momenta quietem?

4
Tertia iam lætūm Zephyris felicibus annum
Cedit hiems, flauis se tertia frugibus ætas
Induit, innumeris ex quo noctemque, diemque
Exerces operum studijs. quid fornice longo
Inductas memorem septenis collibus vndas?
Quid veteri immanes obeliscos sede reuulso?
Hiciuga depressis æquantur vallibus, hic se
Ruderibus tollunt aggestis strata viarum.
Cuncta nouo rutilant cultu. tu molibus altis
Me premis, & noti cogis decedere iure
Littoris, vt miseros pietas tua pascat egentes.
Tu veteres laxi circumdas limite muri
Exquillas, scatebrisque rigans Felicibus hortos
Principis æterno decoras cognomine villam.
Quis reparata tibi magno labentia sumptu
Non delubra canit? quis non miratur honores
Culmine se pulchro tollentis in astra sacelli?

Non satis hæc. etiam syluis decisa Latinis
Plurima subuehitur remis luctantibus arbos,
Celsaque perpetuo fabricatur machina nexu.

Quid

5.
Quid struis? aut quos curua iubet ormentur in vsus
Robora? num seuos bellum moliris in hostes?
An potius maris, & portus tutela propinqui
Præleget Ausonij puppis noua littoris oras?
Hoc, aliud, quodcumque alto sub corde volutas
Promelibens. me tanta nefas exorsa latere,
Qui Cererem, Bacchumque tibi, qui mille beatæ
Hinc pelago, hinc terris de porto commoda vitæ.

Hæc Tiberis. contra læta sic voce profari
Vertice turrigero nutans stirps alta Quirini
Incipit. O' superis amnis gratissime diuis,
O' nostri decus eximium, quid cara perenni
Feruere iam dudum miraris mœnia motu?
Orbe quid excitas artes, omnemque decoro
Ornatam cultu, & donis præstantibus urbem?
Aspice qui tanti placidas modo tractet habenas
Imperij; cui sacra triplex diadema coronet
Tempora. nimirum S I X T O sub principe nomen
Antiquum, & veteris spero ditionis honores.
Ille mihi immensis priuati sumptibus æris
Magna

6
Magna recensebas quæ munera detulit, ille
Templa, vias, laticum ductus perfecit, & hortos.
Parua tamen memorata tibi. quid funditus omne
Euerſum excidio retices ſcelus orbe Latino?
Quid legum auxilio ſanctarum, & moribus aureis
Inſtaurata files feliciſ ſæcula vitæ.

Attonitæ mens horret adhuc, cū lenta propinqui
Temporis, & ſpreti ſubit indulgentia iuris.
Non ciuis, non hoſpes erat graſſantis ab armis
Exulis heu domina populorum tutus in vrbe.
Num vaſtata querar diris prædonibus arua?
An laceros æui, ac ſexus diſcrimine nullo
Indignis paſſim miſerorum cædibus artus?
Nunc etiam fuſæ rorant aſpergine tabis
Et nemora, & colles: etiam quibus incidit ignis
Impius oſtentant fumantes teſta fauillas.
Crudeles Libyci fateor perſenſimus olim
In nos Annibaliſ flammas, crudelia tela.
Te quoque ſcæuitia memorandum Spartace noſtri
Teſtantur gemitus. ſed clade vtrumque recenti
Vinci-

Vincitur exitium, nullo quam tempore dignis

Vlcisci poteram pœnis nisi vindice SIXTO.

Ille simul sedem meritis euectus in altam

Incepit iustis moderari legibus orbem,

Protinus Hesperias Erebi monstra horrida terras

Liquere, & nigras Orci rediere sub umbras.

Sic Phoebo referente diem pernicibus alis

Pallida Cimmerio fugiens nox abditur antro.

Sic madidi celerant cursum per inane vapores

Cum gelido Boreas innubilus exit ab axe.

Nec verò quo tanta lues excederet orbe

Publica congestis exhausta æraria nummis

Vidimus, aut lecto populatâ milite terras.

Cuncta simul scelerum restincta incendia solo

Principis admonitu : solus dispersa furentum

Agmina prædonum nutu tremefecit herili.

Ipse manu lancem librans veneranda sinistra

Erigone, & ferrum dextrâ per rura, per vrbes

Ingrediens rigido malâ noxia demetit ense.

Tum pia virtutum Latio se turba sororum

Ostentat,

8
Ostentat, morumque decus, celsique refulgens
Vis micat ingenij, ceu rursus Rege Sabino
Sancta regat populos probitas. ceu fulgeat ævo
Nostro iterum felix Augusto principe sæclum.
Cernis vt effusas cunctis bona copia fruges
Suggerat? vt dulci mentes concordia nexu
Illiget, & pulchris Pallas colat artibus vrbes?
Cernis vt Aonij celebrent tua littora cycni?
Vt numeris tonet ipse pater cæleste canoris
Eloquium? magno rerum cum pondere fessus
Castalij placitas fontis diuertit ad vndas.
Non illo quisquam diuinius alta parentis
Facta canit superi, non duræ incommoda vitæ
Acrius insequitur miserans, monituque seucro
Erigit affixas telluri ad sidera mentes.

At licet æternas Pindi sibi vendicet artes,
Aonijque sacro tantum hauserit ore liquoris
Non tamen obscuris condi sua nomina chartis,
Aut sibi non æquos tribui indignatur honores.
Quin humili placidas musæ non denegat aures,
Pluri-

Plurimaque in tenues partitur munera vates.
Hinc alacres quicumque iugum nituntur in altum
Pieridum, laurique petunt è fronde coronam
Carminē certatim vario sublimia tanti
Herois monumenta canunt. hic prima iuuentæ
Tempora, & exactos studijs cælestibus annos,
Ille decus memorat sacri immortale galeri.
Pars canit ætherijs delapsam sedibus auram,
Omnipotentem auram, sancto quæ flamine magni
Detulit imperij fasces, & sceptrā merenti.
Ast alij cultusque mei, formæque nitorem
Laude ferunt. certant pariter, pariterque fatentur
Se tantæ rerum cuncti succumbere moli.

Magna quidem vestros dudum pressere lacertos
Pondera felices animæ, sed maxima longe
Nunc rerum, laudumque simul se pandit origo,
Maximus ingenijs labor additur, ipsa sororum
Thespiadum quem docta cohors perferre recuset,
Cui non culta pares iactet facundia vires.
Scilicet ut fida tutam statione locauit

Iustitiam, varioque urbem exornauit honore,
 Angustæ se laudis adhuc putat orbe teneri,
 Et geminos famam SIXTVS meditatur ad axes.

Ergo pijs Reges stimulis in bella potentes
 Sancta ciet, sancto vnanimis sibi foedere iungit,
 Vt quas in rerum dominum cælo extulit arces
 Infandas Babylon, vlttricibus eruat armis,
 Et premat imposito Ismarij pede colla tyranni.
 Excitat hinc animum pietas, hinc nobilis alto
 Sollicitat sub corde pudor. quot barbarus vrbes,
 Quot populos sæuo imperio subiecerit hostis
 Vsq̃ue agitat. miseri ante oculos, ante ora recurrant
 Quos laribus procul à patrijs crudelia duro
 Sub domino immeritis exercent vincula pœnis.
 Ipsæ animo Solymæ occurrunt, ipsa vndique sanctis
 Pressa Dei pedibus tellus, quodque impia turba
 Polluit exacta sacrum mercede sepulchrum.

Immifere alij tanta ad certamina quondam
 Innumeras acies pelago, quæ fortibus ausis
 Reclusere Asiam, & Syloes in fonte nitenti

Victri-

Victrices pepulere sitim. sed partus in æuum
 Exiguum decor, & publi quæ sita Latinæ
 Mobilibus pennis segloria vertit ad hostes.
 Nunc opibus, numeroque pari Sidonia rursum
 Littora, & antiquæ fines repetemus Ioppes.
 Dux maior: memoranda etiam manet exitus acta
 Lætior, & stabili claudemus fine labores.
 Nec mora, consterni latum volitantibus æquor
 Puppibus aspicias. iurata in foedera gentes
 Iam freta sollicitant animo, iam prælia miscent,
 Diripiuntque, vruntque rates. sed maximus omnes
 Ante alios pater vrget opus, varioque parari
 Imperat actutum validam sibi littoze classem.

Inuigilant paribus magnò cum principe curis
 Delecti procerum primi, quos inclyta coelo
 Nobilitas, altæque vehit prudentia mentis.
 Non secus ac superis æternæ in sedibus aula
 Lucis inaccessæ radiis, sacraque verendum
 Maiestate patrem circumstat celsior ordo
 Cælicolum, volucrique vigil mandata iubentis

Excipit obsequio, siue ille micantibus astris
 Præscribit cursum, legesque indicit Olympo.
 Seu miris agitata modis informia rerum
 Semina in insolitas mandat transire figuras,
 Imperioque solum, celsas & temperat vrbes.
 Tu coetus generose caput, cui longa per annos
 Innumeros Regum series memoratur aurum
 INICE. tum magni socium se muneris addit
 Germanæ telluris honos ALTEMPSIVS: addit
 SAVLIA quem Iani antiquæ de stirpe propago
 Edidit ingenio celerem, & præstantibus actis.
 Consequitur belli nuper, nunc gloria sacra
 Rara togæ, Infubrum ducibus generatus auitis
 SFORTIADES. decorat sumūvir maximus agmen,
 Qui victi Meliten spolijs Orientis onustam
 Legibus, & morum titulis melioribus auget.
 Olli inter sese crebris communia versant
 Commoda concilij. nunc quo percurrere pontum
 Remige, quo possint armari milite pinus
 Disquirunt, ducibusque instant in bella legendis.
 Nunc

Nunc properat varias terræ dimissa per oras
 Pagina, qua populis collata volentibus æra,
 Qua recipi externis olim concessa carinis
 Agmina victorum curant, cœptisque laborant
 Classibus optatum celeres imponere finem :
 Et iam iussa explent, iam principis ipsa fideli
 Vota ministerio, studiisque ardentibus æquant.

Quattuor hinc Ligurum tellus naualibus altis
 Instruit æratas moles. hinc Lydia Tusco
 Inducit pelago geminas Florentia puppes.
 Dat totidem charitum sedes pulcherrima Siren.
 Sed rutilis quantum Phœbus Latonius astris
 Prænitet; insignes inter quantum exerit vrbes
 Roma caput, specie tantum se, & robore firmo
 Nauibus anteferet cunctis, quam falsa propinqui
 In maris educet Tiberis tuus æquora riuus.
 Hac duce longinquas contendere classis, in oras,
 Hac ruere in bellum, & pugnas agitare cruentas
 Condiscet. non illa leui per marmora cursu
 Vectori loca prima tuo concedat Arion,

Non

Non rapidas venti dubitet præuertier auras:
 Hac Ligur ignoto strabe tutius isset in orbes
 Herculeam princeps ausus contemnere metam.
 Hac citius iuueni Aemonio delecta iuuentus
 Aurea Phasiacæ retulisset vellera pellis.
 Ipsa novos etiam heroas, noua fulmina ponto
 Inferet, Aeneadum quos clara est stirpe potentum
 Alma dabo. innumeri studio certante per undas
 Ire parant, sacroque vltro dant nomina bello.
 O quas vectari prædas, quæ munera templis
 Affigi, quos aspiciam transire triumphos.
 Nunc ratis exiguae lembo lustrata licebit
 Per vada securus permutet nauita merces.
 Nunc mare non tantum Ausonium, pacataque nostri
 Littoris hospitibus tutis celebrabitur acta,
 Sed simul Aegæi fluctus, simul arcta patebunt
 Euxini mihi claustra salis, Cilicumque beatam
 Tellurem, & ditis penetrabimus ostia Nili.

Vade age sollicito pete proxima cæcula cursu
 Nuntius ingentis facti, latumque per æquor
 Magna-